



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

PROT. n.3/EM

ORDINÀNTZIA N.4 DE SU 28 DE FREÀRGIU DE SU 2021

Ogetu: Ulteriores mesuras istraordinàrias urgentes de cuntrastu e preventzione de s'isparghidura epidemiològica dae COVID-19 in su territòriu regionale de sa Sardigna. Ordinàntzia in cunforma a s'art.32, comma 3, de sa lege 23 de nadale de su 1978, n.833 in matèria de igiene e sanidade pùblica.

SU PRESIDENTE

- BIDU s'art.32 de sa Costituzione;
- BIDU s'Istatutu Ispetziale pro sa Sardigna e sas normas de atuatzione relativas;
- BIDA sa lege regionale 7 de ghenàrgiu de su 1977, n.1 chi cuntenit "*Normas subra de s'organizatzione amministrativa de sa Regione Sarda e subra de sas cumpetèntzias de sa Giunta, de sa Presidèntzia e de sos Assessorados regionales*";
- BIDA sa lege 23 de nadale de su 1978, n.833 "Istituzione de su servìtziu sanitàriu natzionale" e in particolare s'art.32 chi disponet "*su Ministru de sa sanidade podet emitere ordinàntzias de caràtere contingibile e urgente, in matèria de igiene e sanidade pùblica e de polìtzia veterinària, cun eficàtzia perlongada a totu su territòriu natzionale o a parte de issu chi cumprendet prus regiones*", e puru "*in sas matessis matèrias sunt emitidas dae su presidente de sa giunta regionale e dae su sindigu ordinàntzias de caràtere contingibile e urgente, cun eficàtzia perlongada a manera rispetiva a sa regione o a parte de su territòriu suo chi cumprendet prus comunes e a su territòriu comunale*";
- BIDA sa declaratzione de s'Organizatzione mundiale de sa sanidade de su 30 de ghenàrgiu de su 2020 cun sa cale s'epidemia dae COVID-19 est istada valutada comente un'emergèntzia de sanidade pùblica de rilevànzia internatzionale;



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

- BIDA sa delibera de su Consìgiu de sos Ministros de su 31 de ghenàrgiu de su 2020 chi cuntenit "*Declarazione de s'istadu de emergèntzia in cunsighèntzia de s'arriscu sanitàriu connessu a s'isvilupu de patologias chi derivant dae agentes virales trasmissìbiles*";
- BIDA s'ordinàntzia de su Capu de su Dipartimentu de sa protetzione tzivile n.630 de su 3 de freàrgiu de su 2020 chi cuntenit "*Primos interventos urgentes de protetzione tzivile in relazione a s'emergèntzia relativa a s'arriscu sanitàriu connessu a s'isvilupu de patologias chi derivant dae agentes virales trasmissìbiles*";
- BIDU su decretu de su Capu de su Dipartimentu de sa protetzione tzivile n.627 de su 27 de freàrgiu de su 2020 chi nùmenat su Presidente de sa Regione Sardigna, sugetu atuadore de sos *interventos segundu su OCDPC 630/2020*;
- BIDA sa declarazione de s'Organizatzione mundiale de sa sanidade de s'11 de martzu de su 2020 cun sa cale s'epidemia dae COVID-19 est istada valutada comente "pandemia" in cunsideru de sos livellos de isparghidura e gravidade segudados a livellu globale;
- BIDU su decretu lege 17 de martzu de su 2020, n.18, chi cuntenit "*Mesuras de afortiamentu de su servitziu sanitàriu natzionale e de sustennu econòmicu pro familias, traballadores e impresas connessas a s'emergèntzia epidemiològica dae COVID-19*"; mudadu, cun modificas, in sa lege 24 de abriale de su 2020, n.27;
- BIDU su decretu-lege 25 de martzu de su 2020, n.19, chi cuntenit "*Mesuras urgentes pro fàghere fronte a s'emergèntzia epidemiològica dae COVID-19*", mudadu, cun modificas, in sa lege 22 de maju de su 2020, n.35 e a manera ulteriore modificadu dae su D.L. n.83/2020, in particolare sos articulos 1 e 2, comma 1;
- BIDU su decretu lege 16 de maju de su 2020, n.33 chi cuntenit "*Ulteriores mesuras urgentes pro fàghere fronte a s'emergèntzia epidemiològica dae COVID-19*" e publicadu in sa Gazzetta Ufficiale n.125 de su 16 de maju de su 2020, mudadu, cun modificas, in sa lege 14 de trìulas de su 2020, n.74 e a manera ulteriore modificadu dae su D.L. n.83/2020;
- BIDU su decretu lege 19 de maju de su 2020, n.34 "*Mesuras urgentes in matèria de salute, sustennu a su traballu e a s'economia, e puru de políticas sotziales connessas a s'emergèntzia epidemiològica dae COVID-19*", mudadu, cun modificas, in sa lege 17 de trìulas de su 2020, n.77;
- BIDAS sas ordinàntzias de su Ministru de sa Salute de su 30 de làmpadas de su 2020, de su 9 de trìulas de su 2020, de su 16 de trìulas de su 2020, de su 24 de trìulas de su 2020, de su 30 de trìulas de su 2020, de su 1 de austu de su 2020, de su 12 de austu de su 2020 e de su 16 de austu de su 2020;
- BIDU su decretu lege 30 de trìulas de su 2020, n.83 "*Mesuras urgentes connessas*



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

cun s'iscadèntzia de sa declaratzione de emergèntzia epidemiològica dae COVID-19 deliberada su 31 de ghennàrgiu de su 2020 cun sa cale si disponet sa pròroga de s'istadu de emergèntzia a su 15 de santugaine de su 2020;

- BIDU su decretu lege 14 de austu de su 2020, n.104 *"Mesuras urgentes pro su sustennu e su rilàntziu de s'economia"*;
- BIDU su decretu-lege 7 de santugaine de su 2020, n.125, chi cuntenit *"Mesuras urgentes connessas cun sa pròroga de sa declaratzione de s'istadu de emergèntzia epidemiològica dae COVID-19 e pro sa sighida operativa de su sistema de allerta COVID, e puru pro s'atuatzione de sa direttiva (UE) 2020/739 de su 3 de làmpadas de su 2020"*, mudadu cun modificatziones in sa L.27 de santandria de su 2020, n.159;
- BIDU su decretu-lege 28 de santugaine de su 2020, n.137, chi cuntenit: *"Ulteriores mesuras urgentes in matèria de tutela de sa salute, sustennu a sos traballadores e a sas impresas, giustitzia e siguresa, connessas a s'emergèntzia epidemiològica dae Covid-19"*, mudadu cun modificatziones in sa L. 18 de nadale de su 2020, n.176;
- BIDU su decretu-lege 18 de nadale de su 2020, n.172, chi cuntenit: *"Ulteriores dispositziones urgentes pro fàghere fronte a sos arriscos sanitàrios connessos a s'isparghidura de su virus COVID-19"*, mudadu cun modificatziones in sa L. 29 de ghennàrgiu de su 2021, n.6;
- BIDU su decretu-lege 12 de freàrgiu de su 2021, n.12, chi cuntenit: *"Ulteriores dispositziones urgentes in matèria de cuntenimentu de s'emergèntzia epidemiològica dae COVID-19"*;
- BIDU su decretu-lege 23 de freàrgiu de su 2021 n.15, chi cuntenit: *"Ulteriores dispositziones urgentes in matèria de ispostamentos in su territòriu natzionale pro su cuntenimentu de s'emergèntzia epidemiològica dae COVID-19"*;
- BIDU su documentu chi cuntenit *"Preventzione e risposta a su COVID-19: evoluzione de s'istrategia e pianificatzione in sa fase de passàgiu pro su periodu atòngiu-ijerrale"* predispostu dae su Ministèriu de sa Salute, dae s'Istitutu Superiore de Sanidade, dae su Coordinamentu de sas Regiones e Provìntzias Autònomas chi frunit elementos generales pro afortiare sa *preparedness* pro fàghere fronte a sas infetzones in s'istajone atòngiu-ijerru de su 2020-2021 (prot.7474 de su 12 de santugaine de su 2020 Cunferèntzia de sas Regiones e de sas Provìntzias autònomas);
- BIDU su decretu de su Presidente de su Consighiu de sos Ministros 14 de ghènnargiu de su 2021, chi cuntenit: *"Ulteriores dispositziones ativas de su decretu-lege 25 de martzu de su 2020, n.19"*, mudadu, cun modificatziones, in sa lege 22 de maju de su 2020, n.35, chi cuntenit *"Mesuras urgentes pro fàghere fronte a s'emergèntzia epidemiològica dae COVID-19"*, de su decretu-lege 16 de maju de su 2020, n.33, mudadu, cun modificatziones, in sa lege 14 de trìulas de su 2020, n.74, chi cuntenit *"Ulteriores mesuras urgentes pro fàghere fronte a s'emergèntzia epidemiològica dae COVID-19"*, e de su decretu-lege 14 de



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

ghennàrgiu de su 2021 n.2, chi cuntenit "*Ulteriores dispositiones urgentes in matèria de cuntenimentu e preventzione de s'emergèntzia epidemiològica dae COVID-19 e de acumprimentu de sas eletziones pro s'annu 2021*";

TORRADAS A CRAMARE sas Ordinàntzias pretzedetes pròpias emitidas in cunforma a s'articulu 32, de sa lege 23 de nadale de su 1978, n.833 in tema de mesuras pro sa gestione de s'emergèntzia sanitària ligada a s'isparghidura de sa sindrome dae COVID-19;

CUNSIDERADU s'isvilupu de sa situatzione epidemiològica, su caràtere difusivu a manera particolare de s'epidemia e sa crèschida de sos casos in su territòriu natzionale;

BIDA sa tzirculare de su Ministèriu de sa Salude n.3787 de su 31 de ghennàrgiu de su 2021, chi at comentu ogetu: "*Aggiornamentu subra de s'isparghidura a livellu globale de sas variantes noas SARSCoV-2, valutazione de s'arriscu e mesuras de controllu*";

BIDA s'ordinàntzia de su Ministèriu de sa Salude in data 27 de freàrgiu de su 2021, publicada in data de sa die de oe in sa GURI, e in particolare s'art.1, pro su cale in cunforma a *s'articulu 1, commas 16 sexies e 16 septies de su decretu lege 16 de maju de su 2020, n.33*, a decùrrere dae su 1° de martzu de su 2021 a sa Regione Sardinia si àplicant sas mesuras segundu sa g.n. "*zona bianca*", *comente determinadas dae su decretu de su Presidente de su Consighiu de sos Ministros 14 de ghennàrgiu de su 2021 e decretos imbenientes adotados in cunforma a s'art. 2, comma 1, de su decretu lege 25 de martzu de su 2020, n.19*;

CUNSIDERADU chi segundu s'ordinàntzia tzitada, pro compidare sos *efetos de su rilàsciu de sas mesuras contra a su contàgiu in sa Regione Sardinia, est istituidu unu tàulu tècnicu istituzionale cumpostu dae sos rapresentantes de su Ministèriu de sa Salude, de s'Istitutu Superiore de sa Sanidade e de sa Regione Sardinia*;

CUNSIDERADU chi, mancari sas mesuras finas a como adotadas epant permitidu unu controllu eficatze de s'infetzione, s'esàmene de sos datos epidemiològicos dimustrat chi sighit, comentu rilevadu a livellu natzionale, una trasmissione difusa de su virus, s'emergèntzia est galu giai cumentzada e pro cussu ogni misura de controllu ulteriore chi si faghet netzessària devet èssere leada;

CUNSIDERADU chi sa Regione Autònoma de sa Sardinia, pro cuntènnere sa tzirculatzione de su virus, at aviadu su *screening* de massa in su matessi tempus a sa campagna de sos vatzinos;

APRETZIADU de dèvere adotare ogni misura ùtile pro evitare chi s'acumprimentu de sa campagna de sos vatzinos potzat èssere nòghidu dae sa crèschida eventuale de sos contàgios;

APRETZIADU pro cussu, de dèvere definire semper e cando mesuras idòneas ispetzificas de cuntenimentu de sa tzirculatzione virale e de controllu in cointzidèntzia de su torrare a abèrrere graduale de sas atividades pro sas 15 dies imbenientes durante sas cales s'at a protzèdere a sa compidada de s'isvilupu



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

epidemiològicu, avalende-si de sas detzisiones chi ant a èssere adotadas dae su tàulu tècnicu istituzionale cumpostu dae sos rapresentantes de su Ministèriu de sa Salute, de s'Istitutu Superiore de Sanidade e de sa Regione Autònoma de sa Sardigna;

- APRETIADU** chi sas situatziones de fatu e de diritu finas a inoghe espostas e motivadas ìntegrent sas cunditziones de etzetzionalidade e netzessidade urgente de tutela de sa salute pùblica, indiritzadas a cuntrastare s'isparghidura de su virus;
- CUNSIDERADU** s'isvilupu de sa situatzione epidemiològica, su caràtere difusivu a manera particolare de s'epidemia e s'andamentu de sos casos in su territòriu natzionale;
- CUNSIDERADU** chi sas dimensiones subranatzionales de su fenòmenu epidèmicu e s'interessamentu de prus àmbitos in su territòriu natzionale faghent netzessàrias mesuras indiritzadas a garantire s'atuatzione de sos programmas de profilassi elaborados in sede internatzionale e europea, graduende sas mesuras segundu s'ispetzifitzidade de su cuntestu territoriale interessadu, cunforma a sos printzìpios de sensu, proportzionalidade e adeguatesa a s'arriscu presente de a beru in su territòriu regionale;
- BIDU** s'art.14, comma 4 de su DPCM 14 de ghennàrgiu de su 2021, pro su cale "*sas disposizioni de su decreto presente si àplicant a sas Regioni a istatutu ispetziale e a sas Provìntzias autònomas de Trento e de Bolzano a manera cumpatibile cun sos Istatutos rispetivos e sas normas de atuatzione relativas*".
- DADU ATU** de sas potestades primàrgias atribuidas a sa cumpetèntzia regionale dae sa Lege Costituzionale 26 de freàrgiu de su 1948, n.3;
- ATESU** chi faghet parte de sas cumpetèntzias primàrgias de sa Regione Autònoma de sa Sardigna riferidas a sas matèrias torradas a pònnere a sa potestade legislativa e amministrativa pròpria e, pro issa, tochet a su Presidente de sa Regione Autònoma de sa Sardigna, puru in calidade de Autoridade Sanitària Regionale e puru sugetu atuadore de sos interventos segundu su OCDPC n.630/2020, apretziare e valutare sos interventos netzessàrios pro sa tutela de sa salute pùblica;
- BIDU** chi segundu sos datos frunidos in data 28 de freàrgiu de su 2021 dae s'Unidade de Crisi Regionale sa situatzione de su contàgiu dae SARS – CoV-2, registrat 215 ricoverados in sos ispidales in degèntzias de s'àrea mèiga, in prus a 19 ricoveros in terapia intensiva subra de una disponibilidade a su presente de 208 postos letu de terapia intensiva (+35 ativàbiles in 24-48 oras);
- CUNSIDERADA** sa netzessidade de mantènnere s'òbligu in totu su territòriu regionale de pònnere pro tota sa die (H 24) protetziones de sas bias respiratòrias (mascareddas) puru in totu sos logos a s'ària aberta in ue non siat possibile garantire semper su mantenimentu de sa distàntzia de siguresa de a su nessi 1 metru;
- VALUTADA** in prus, s'urgèntzia e su de non lu podet rimandare pro adeguare a sas ulteriores cunditziones epidemiològicas locales mudadas sas mesuras



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

istraidinàrias a tutela de sa salute de sos tzitadinos sardos pro sa preventzione e su cuntinimentu de s'isparghidura in su territòriu de sa Regione Sardigna de su COVID-19, in cunforma a s'art. 32 de sa lege 23 de nadale de su 1978, n.833 in matèria de igiene e sanidade;

INTESU su Ministru de sa Salute;

INTESU su tàulu tècnicu istituzionale cumpostu dae sos rapresentantes de su Ministèriu de sa Salute, de s'Istitutu Superiore de sa Sanidade e de sa Regione Sardigna;

ÒRDINAT

Art.1) Mancari sa proibizione de s'ammuntonare, e puru su rispetu de su distanziamentu personale e de su controllu, in cunformidade a sas linias ghia pro torrare a abèrrere sas atividades econòmicas e produtivas a su presente in vigore, cun possibilidade de nde modulare s'esertitziu in crèschida ossiat in minimadura, segundu s'andamentu epidemiològicu de sa pandemia, a decùrrere dae su 1° de martzu de su 2021 est cunsentidu in totu su territòriu regionale – francu sas zonas a manera pretzisa proibidas cun ordinàntzias de sos sindigos, a pustis de sa declarazione de arriscu de isparghidura virale – de torrare a abèrrere sas atividades sighentes:

- a) Ristorazione, cun abertura de sos esertitzios finas a sas oras 23.00;
- b) Bar, *pub*, cafeterias e assimigiantes, cun abertura de sos esertitzios finas a sas oras 21.00;

In relata a s'andamentu de sos indicadores epidemiològicos valutados a pustis de tales aberturas, cun ordinàntzias imbenientes ispetzificas – de acordu cun su tàulu tècnicu istituzionale cumpostu dae sos rapresentantes de su Ministèriu de sa Salute, de s'Istitutu Superiore de sa Sanidade e de sa Regione Sardigna – ant a pòdere èssere torra abertas, cun sas prescritziones netzessàrias, sas atividades sighentes:

- palestras, iscolas de ballu (sena cuntatu);
- tzentros cummertziales in sas dies de sàbadu e domìniga;
- museos e logos de sa cultura.

Art.2) Francu provvedimenti de prus restritivos adotados dae sas Autoridades Sanitàrias locales in su territòriu de cumpetèntzia, est proibidu de tzirculare e/o firmare a dae foras de sa residèntzia pròpia e/o domitzìliu dae sas oras 23.30 de ogni die finas a sas oras 5.00 de sa die imbeniente (ritiru). Mancari sas càusas esumidoras giai prevididas dae sa normativa natzionale vigente pro sas zonas g.n. "grogas".

Art.3) Est fatu òbligu de impreare, in totu su territòriu regionale e pro tota sa die (H24), protetziones de sas bias respiratòrias puru a s'ària aberta, in sos tretos de pertinèntzia de sos logos e locales abertos a su pùblicu, e puru in sos tretos



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

pùblicos, in ue, pro sas carateristicas fisicas, siat prus fàtzile de si formare muntones de gente puru de natura ispontànea e/o ocasionale. Non sunt sugetos a s'òbligu sos pitzinnos chi no ant cumpridu sos 6 annos, e puru sos sugetos cun formas de disabilitade.

Est proibidu de fàghere cale si siat forma de ammuntonamentu, cun riferimentu particulare a sa firmada in sos tretos a in antis de sos istitutos iscolàsticos de ogni òrdine e gradu, sas pratzas, sas carreras pùblicas, sos tretos a in antis de su mare e sas bellavistas, in sos cales si devet semper e cando mantènnere unu distantziamentu intrepersonale de a su nessi unu metru.

- Art.4) A fàghere data dae su 1° de martzu de su 2021 e francu s'adotzione de ulteriores provvedimenti in cunsighèntzia de sa rilevazione de sos datos epidemiològicos de sa regione, a sa Regione Sardinia – puru collocada dae s'Ordinàntzia de su Ministru de sa Salute de su 28 de freàrgiu de su 2021 in zona "bianca", iscenàriu de tipu 1, cun unu livellu de arriscu bàsciu – sighint a si aplicare sas mesuras restritivas determinadas in cunforma a s'articulu 1, comma 2, de su decretu-lege 25 de martzu de su 2020, n.19, mudadu, cun modificatziones in sa lege 22 de maju de su 2020, n.35, cun riferimentu a sas àteras atividades in cue indicadas, fata etzetzione pro sa disciplina ispetzifica disposta dae s'ordinàntzia presente;
- Art.5) Pro totu cantu non disciplinadu a manera espressa dae s'ordinàntzia presente, si faghet rinviiu espressu a su DPCM 14 de ghennàrgiu de su 2021;
- Art.6) Sas dispositziones de s'ordinàntzia presente produint sos efetos issoro a fàghere data dae su 1° de martzu de su 2021 finas a su 15 de martzu de su 2021, francu pròroga esplitzita e francu ulteriores prescritziones diversas, puru de signu contràriu, chi si diant a fàghere netzessàrias in dipendèntzia de s'andamentu de sa curva de isparghidura de su virus, chi at a èssere a manera costante compidada dae sos òrganos cumpetentes de s'amministratzione e de sas aziendas.
- Art.7) In respetu de su printzipiu de collaboratzione leale tra sas Istitutziones, est rechestu a sos ufizios cumpetentes territoriales de su Governu de chèrrere dispònneru ogni afortiamentu cunsentidu de sa presèntzia e de sos controllos de sas fortzas de s'òrdine presentes in su territòriu regionale pro garantire sa vigilàntzia màssima pro su respetu de sas prescritziones segundu s'ordinàntzia presente e sas ulteriores normas vigentes in matèria pro su cuntenimentu de s'isparghidura epidemiològica de su virus.

Francu chi su fatu non constituat reatu prus grave, sa no osservàntzia de sos òbligos segundu s'ordinàntzia presente est santzionada comente pro lege (art.2 de su D.L. 33 de su 16 de maju de su 2020).



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

S'ordinàntzia presente benit trasmitida, segundu sas cumpetèntzias respetivas, a su Presidente de su Consìgiu de sos Ministros, a su Ministru de sa Salute, a sos Amministradores de sas Provìntzias de su territòriu regionale, a su Sìndigu metropolitanu de Casteddu, a sos Sìndigos de sos Comunes de sa Sardigna, a sos Prefetos de sos Ufìtzios territoriales de Guvernu de sa Sardigna, a sos Assessoros regionales, e a sos àteros sugetos interessados.

Contra a s'ordinàntzia presente est ammitidu ricursu giurisditzionale a in antis de su Tribunale Amministrativu Regionale in su tèrmine de sessanta dies dae sa comunicatzione, ossiàt istraordinàriu a su Capu de s'Istadu intro de su tèrmine de dies chentubinti.

Christian Solinas



CHRISTIAN SOLINAS
REGIONE AUTÒNOMA
DE SA SARDIGNA -
SISTEMA REGIONE
28.02.2021 22:59:30
UTC

Traduzione de s'operadora de s'isportellu linguìsticu de Pàdria
Maria Leonarda Correddu